

بِسْمِ اللَّهِ الرَّحْمَنِ الرَّحِيمِ

# Khutba Jummah

HADHRAT AMIR'UL MUMINEEN MUHYI-UD-DIN

**Munir Ahmad Azim**

10 Avril 2015 ~

(20 Jamad'ul Aakhir 1436 Hijri)

**(Résumé Khutba)**

**Après ki li fine salué tous so bane disciples (et tous bane musulmans) du monde entier par « Assalamoualaikum Warahmatullah Wabarakaatuhu » Hazrat Muhyi-ud-Din fine commence so Khutba Jummah avec Tashahhud, le Ta'ouz, Surah Al Fatiha, et ensuite li fine dire:**

Tous d'abord mo bizin dire ki li pas mo l'intention ditout pour faire Khutba azordi lors 'porc', mais après le Khutba Jummah semaine passé lors sa sujet 'porc' là et séki sa Moullah Basharat Naveed là fine dire, donc mo fine recevoir plusieurs questions lors sa sujet 'Porc' là, à Maurice, et bane îles avoisinantes couma la Réunion, Madagascar, Seychelles et même Rodrigues. Donc à travers le Khutba Jummah, mo pou réponde zot, zot questions. *Insha-Allah*, ki Allah aide moi, pou mo donne zot le meilleur réponse de zot question et ki zot satisfait et Allah (swt) illumine zot le cœur à l'Islam, *Ameen*.

**1<sup>er</sup> Question :** Ki, étant Chrétien, mo pas ena aucaine difficulté pou mange la viande porc et mo pé demande ou ki faire bane musulmans pas autorisé pou savoure sa manger ki bien bon là, comme nous, bane chrétiens?

Mo réponde li ki sa question ki li fine pose moi là li quelque peu étonnant, parski d'après bane écritures saints, même pour bane chrétiens li défanne pou zot consomme porc. Eh bien, anou guetter saki la Bible dire au sujet porc : « *Faudé pas zot mange so la chair, et faudé pas zot touche zot lécorps mort ; zot bizin guette zot (sa bane porcs là) comme étant impurs.* » (Lévitique 11: 7-8). Même commandement mentionné aussi dans Deutéronome (14 : 8).

Donc, comme ene commentaire lors sa bane versets la Bible là : sa bane la lois là fine inculqué et obéi parski zot ti incarne la volonté divine. Porc, bien ki li ene de bane aliments le plus commun, mais selman li forme partie de bane aliments ki cause plisse di tort. Dieu ti interdit à bane

Hébreux pou mange la viande porc, non pas simplement pour affirme So l'autorité, mais parski sa li pas ene aliment sain pou l'homme.

**2<sup>ème</sup> Question :** Nous, bane Chrétiens envie conne l'enseignement de Jésus Christ lors sa sujet là?

Donc, la réponse, c'est ki l'enseignement de Jésus Christ ti pareil couma mo fine fek mentionné de la Bible. Fine clairement fer comprend ki bane la lois de l'Ancien Testament bizin être obéi sans changement. Donc, réponse ki mo pé donne zot li pas applique seulement à nous bane frères et sœurs Chrétiens, mais aussi pour tous nous bane frères et sœurs Juifs aussi.

Alors comme réponse mo dire : Jésus Christ (pssl) fine dire : *« Pas croire ki mo fine vini pou abolir, mais pour accomplir. Parski, mo pé dire zot ki en vérité, tant ki lé ciel et la terre pas pou disparaite (effacer), alors, aucaine la loi, ni ene boute, ni ene trait de lettre (de sa bane la lois là, paroles là) pas pou effacer ziska ki tout accompli. Celui donc ki pou supprime ene de so bane pli tipti commandements et ki pou enseigne à bane dimounes pou faire de même pou êtes appelé comme pli tipti (dernier degré créature) dans le Royaume de bane les ciels. »* (Matthieu 5: 17-19)

Fine ena ene l'autre question, kot fine insinué ki transmission de maladies, pas seulement avec la viande porc ki gagne sa. Même la viande bœuf et la viande mouton contenir bane zérmes pathogènes.

Donc séki mo capave réponne, ki faire limite zot bane argumentations à seulement bœuf et mouton? Nous conné ki même bane légumes contenir bane zérmes infectieux. Mais le fait c'est ki la viande de porc li celui ki contenir plisse zérmes parmi toutes sortes de bane la viande ki l'humanité conné. Pli nous apprane lors sa sujet là, nous redoute sa encore plisse !

Bane zérmes ou parasites ki trouve dans la viande porc, beaucoup d'entre zot contagieux, d'autres zot mortels. Sa prouvé ene fois de plusse ki, pli la science progressé, pli l'Islam prouve so exactitude concernant beaucoup sujets. Science actuelle de parasitologie (étude de bane parasites) cite ene *protozoaire* cilié, lé ver solitaire de porc et trichine, ver parasite, ki connu pou cause bane maladies grave ki porc transmette avec l'homme.

Par exemple, ene protozoaire cilié li appelé par bane medecins comme '*Balantidium Coli*'. C'est ene parasite ki vive dans gros intestin, et c'est plus grand protozoaire ki affecté l'homme. En plusse de bactérie, porc li le principal porteur de bane zérmes et de bane parasites, couma :

1. Lé ver solitaire.
2. Lé ver rond.
3. Lé ver crochu.
4. Faciolopsis Buski.
5. Paragonimus.
6. Glonorchis sinensis.
7. L'erisipelothrix rhusiopathia.

1. Le porc li ene de bane principales sources de sa bane infections là. L'incidence de l'infection de bane dimounes par lé ver solitaire de porc li varié à travers le monde.

2. Lé ver rond (en anglais appelle sa : « *round worm* ») c'est ene parasite de 23 à 26 cm de long ki également appelé 'lé ver voyageur' parski li déplacé dans différent organes de lé corps humain et li cause beaucoup dommaze.

3. Lé ver crochu (en anglais appelle sa : « *hook worm* ») rentre dans la peau dimoune kot li perce la peau là ou sois li rentré à travers bane blessures. Bane porcs dévore bane malpropretés (littéralement bane excréments) de bane dimounes ki contenir bane dizéfs de bane parasites, ki développer dans zot lé corps, donnant naissance à bane jeunes lé vers. Quand sa bane lé ver là sorti, zot contagieux pour l'homme. Sa contazion là li bien grave dans bane différents pays tropicaux.

4. *Faciolopsis Buski*, sa c'est bane parasites ki exister et reste inactif (casiéte) ene bon moment dans l'intestin grêle de porc. Kan sa bane parasites là sorti dépi porc là, alors bane parasites là infecté bane escargots ki, à zot tour, contamine l'homme, et sa li bien fréquent dans la Chine.

5. *Paragonimus*, sa c'est ene parasite ki vive dans poumons de bane porcs. C'est ene parasite commun ki cause pneumonie dans bane porcs.

A cause faute de temps, mo termine ici même. Ki Allah (swt) donne moi le *Tawfiq* pour contigne lors sa sujet là la semaine prochaine. *Insha-Allah. Ameen.*